

Morning Dogri (NSD) National News Bulletin 27-06-2025

आकाशवाणी

- भारत नै अंतराष्ट्री अंतरिक्ष केन्द्र च अंतरिक्ष यान ड्रैगन दी कामयाब डॉकिंग गी भारत दे अंतरिक्ष कार्यक्रम लेई ऐतिहासिक उपलब्धि करार दित्ता ऐ। ग्रुप कैप्टन शुभांशु शुक्ला एक्सओम मिशन च अंतराष्ट्री अंतरिक्ष केन्द्र च पुज्जने आहले पैहले भारती बनी गे न।
- आपरेशन सिंधु दे तैहत् 173 होर भारती बसनीकें गी लेइयै इक बशेश डुआरी ईरान थमां नमीं दिल्ली पुज्जी ऐ।
- ओडिसा दे पुरी च भगवान जगन्नाथ हुं'दी विश्वप्रसिद्ध सलाना रथ यात्रा अज्जै थमां शुरू होआ'रदी ऐ।
- अमरीकी राष्ट्रपति डोनाल्ड ट्रम्प होरें आखेआ ऐ जे ओह भारत दे कन्नै बड़ी तौले गै इक बड्डा बपार समझौता करडन।
- अमरीका आसेआ पैहली जुलाई गी वांशिगटन डीसी च क्वाड मुल्खें दे बदेश मंत्रियें दी बैठका दी मेजबानी कीती जाहग।
- भारत 2029 च होने आहली बड़ी मती प्रतिष्ठित विश्व पुलस ते अग्निशमन खेड्डें दी मेजबानी करोग।

<><><><><><>

Axiom-4

भारत नै अंतरिक्ष यात्रा च अपना इतिहास रची दित्ता ऐ जियां के एस्कियम-4 मिशन दे तैहत् चरुं जनें दे क्रियू गी लेइयै जाने आले अंतरिक्ष यान स्पेस एक्स डिजाइन जिंदे च भारती वायु सेना दे ग्रुप कैप्टन शुभांशु शुक्ला बी शामिल न। कल भारती समें दे मताबक संजा 4 बजे अंतराष्ट्रीय अंतरिक्ष स्टेशन कन्नै आईएसएस कन्नै डॉकिंग होई गई। इंदे कन्नै गै कुसै पैहले अंतरिक्ष यात्री नै अंतराष्ट्रीय अंतरिक्ष स्टेशन उप्पर अपने कदम रखे न। लखनऊ च जन्मे दे शुभांशु शुक्ला 1984 च राकेश शर्मा दी डोआरी दे परैंत अंतरिक्ष च जाने आले दुए भारती बनी गे न।

इस इतिहासक मिशन च चार अंतरिक्ष यात्री न जिंदे च इक अमरीका, इक भारत, इक पौलेंड ते इक हंगरी थमां ऐ, जेह्ड़े धरती दी निचली कक्षा च 14 दिनें तगर वैज्ञानिक शोध करगन। शुक्ला होरें भोजन ते अंतरिक्ष पोशन कन्नै जुड़े दे उच्च कोटी दे प्रयोग करगन। अंतराष्ट्रीय अंतरिक्ष स्टेशन कन्नै सफल तरीके कन्नै जुड़ी जाने पर विज्ञान ते प्रौद्योगिकी मंत्री डॉ. जितेन्द्र सिंह होरें भारती वायु सेना दे ग्रुप कैप्टन शुभांशु शुक्ला ते एक्सियम-4 मिशन दी टीम गी बधाई दिक्ती ऐ। मीडिया कन्नै गल्ल करदे होई डॉ. सिंह होरें इस मिशन च भारत दे महत्वपूर्ण योगदान बारे जोरभरेआ ते आखेआ जे भारत इंदे च होने आले शोध च मुख्य भूमिका नभाग।

<><><><><><>

Op Sindhu

ऑपरेशन सिंधु तैह्त् ईरान थमां 173 भारतीय नागरिकें गी लेइयै इक खास निकासी डोआरी कल चिरें रातीं आमोनिया दे योगदान थमां नमीं दिल्ली पुज्जी ऐ। सोशल मीडिया पोस्ट च विदेश मंत्रालय दे प्रवक्ता रणधीर जायसवाल होरें आखेआ जे अजें तगर कुल 4 ज्हार 15 भारतीय नागरिकें गी विशेष निकासी डोआरी राएं बाहर कड्डेआ गेआ ऐ, जिंदे च भारतीय वायु सेना दे त्रै जहाज बी शामिल न। उनें आखेआ जे एह्दे च ईरान थमां बाहर कड्डे गेदे 3 ज्हार 597 ते इजराइल थमां 818 माहनु शामिल न। जायसवाल होरें अगगे आखेआ जे भारतीय नागरिकें दे अलावा 14 विदेशी नागरिकें कार्ड धारकें, 9 नेपाली नागरिकें, 4 श्रीलंका दे नागरिकें ते इक भारतीय नागरिक दी घरै आली गी बी ईरान थमां बाहर कड्डेआ गेआ ऐ।

<><><><><><>

Rath Yatra

ओडिसा दे पुरी च भगवान जगन्नाथ हुं'दी विश्वप्रसिद्ध सलाना रथ यात्रा अज्जै थमां शुरू होआ'रदी ऐ। जून-जुलाई च होने आहले इस मशहूर उत्सव दे दरान भगवान जगन्नाथ ते चं'दे बड्डे भ्राह् बलभद्र ते लौहकी बैहनु देवी सुभद्रा हुं'दे विग्रह रथें च सोआर होइयै दर्शन दिं'दे न ते मासी हुं'दे घर गुंडिचा मंदर जाने लेई तैयार हुं'दे न।

ओह गुंडिचा मंदरै च 9वें दिनें दा प्रवास करदे न। मंदर प्रशासन मूजब तकरीबन 13 लक्ख भक्त इस ब'रे ऐकड़े उत्सव च हिस्सा लैडन।

तोआई गुजरात च भगवान जगन्नाथ हुं'दी 148मीं सलाना रथ यात्रा अज्ज बड्डलै अहमदाबाद च सख्त सुरक्षा बंदोबस्ते हेठ शुरू होई। परंपरा मूजब ऐतिहासिक रथ यात्रा जमालपुर इलाके दे 400 ब'रे पराने भगवान जगन्नाथ मंदरै थमां शुरू होई। केंद्री गृहमंत्री अमित शाह होरें अज्ज बड्डलै अहमदाबाद च श्री जगन्नाथ मंदरै च मंगला आरती कीती ते रथ यात्रा थमां पैहले भगवान जगन्नाथ हुं'दे दर्शन करियै आशीर्वाद लैता।

<><><><><><>

Prez Rath Yatra

राष्ट्रपति द्रौपदी मुर्मू होरें जगन्नाथ पुरी रथ यात्रा दे मौके उपपर सभ्बनें गी शुभकामनां दित्तिआं न। सोशल मीडिया दी इक पोस्ट च उ'नें आखेआ ऐ जे लक्खां बद्धे श्रद्धालु भव्य रथें पर विराजमान भगवान बलभद्र, भगवान जगन्नाथ, देवी सुभद्रा हुं'दे विग्रह ते चक्रराज सुदर्शन हुं'दे दर्शन करियै दिव्य अनुभव हासल करडन। उ'नें आखेआ जे इ'नें ईश्वरीय रूपें दी मनुक्खी दिव्य लीला गै इस यात्रा दी खासियत ऐ। राष्ट्रपति होरें इस पवित्र मौके पर भगवान जगन्नाथ हुं'दे थमां दुनिया भरै च शांति, दोस्ती ते सद्भाव दी प्रार्थना कीती।

<><><><><><>

US President

अमरीकी राष्ट्रपति डोनाल्ड ट्रंप होरें आखेआ ऐ जे भारत कन्नै तोले गै इक बड्डा सौदा कीता जाग। इस कार्यक्रम च बोलदे होई ट्रंप होरें आखेआ जे उनें हुनै-हुनै चीन कन्नै सौदा कीता ऐ ते तौले गै भारत कन्नै बी इस चाल्ली दा समझौता सामने औने आला ऐ। ट्रंप होरें इस गल्लै पर जोर भरदे होई आखेआ जे हर दुए मुख्य कन्नै इस चाल्ली दा समझौता नेई कीता जाग। हालांके ट्रंप होरें चीन कन्नै कीते गेदे समझौते दे ब्योरे बारे कोई ब्यौरा नेई दस्सेआ।

<><><><><><>

QUAD Meeting

ਅਮਰੀਕਾ ਆਸੇਆ ਪੈਹਲੀ ਜੁਲਾਈ ਗੀ ਵਾਸ਼ਿੰਗਟਨ ਡੀਸੀ ਚ ਕੁਆਡ ਮੁਲ੍ਖੇਂ ਦੇ ਬਦੇਸ਼ ਮੰਤਰਿਏਂ ਦੀ ਬੈਠਕਾ ਦੀ ਮੇਜ਼ਬਾਨੀ ਕੀਤੀ ਜਾਹਗ। ਅਮਰੀਕਾ ਦੇ ਬਦੇਸ਼ ਵਿਭਾਗ ਦੇ ਉਪ-ਪ੍ਰਵਕਤਾ ਟੌਮੀ ਪਿਗੌਟ ਹੋਰੇਂ ਕਲ ਸੰਵਾਦਦਾਤਾ ਸਮਮੇਲਨ ਚ ਏਹ ਏਲਾਨ ਕੀਤਾ। ਉਂਨੇਂ ਆਖੇਆ ਜੇ ਬਦੇਸ਼ ਮੰਤਰੀ ਮਾਰਕੋ ਰੁਬਿਯੋ ਅਗਲੇ ਹਫਤੇ ਕੁਆਡ ਮੁਲ੍ਖੇਂ ਦੇ ਬਦੇਸ਼ ਮੰਤਰਿਏਂ ਦੀ ਬੈਠਕ ਚ ਆਸਟ੍ਰੇਲਿਯਾ, ਭਾਰਤ ਤੇ ਜਪਾਨ ਦੇ ਬਦੇਸ਼ ਮੰਤਰਿਏਂ ਦਾ ਸੋਆਗਤ ਕਰਭਨ। ਬਦੇਸ਼ ਮੰਤਰੀ ਡਾਕਟਰ ਏਸ. ਜਯਸ਼ਾਂਕਰ ਹੋਰੇਂ ਸੋਸ਼ਲ ਮੀਡਿਯਾ ਪੋਸਟ ਚ ਆਖੇਆ ਏ ਜੇ ਬੈਠਕ ਸ਼ਾ ਪੈਹਲੇ ਆਸਟ੍ਰੇਲਿਯਾ ਦੇ ਬਦੇਸ਼ ਮੰਤਰੀ ਪੇਨੇਲੋਪ ਥਿੰਗ-ਯੇਨ-ਵਾਂਗ ਹੁੰਦੇ ਕਨ੍ਹੈ ਦਪਕ੍ਖੀ ਸੈਹਯੋਗ ਤੇ ਹਿੰਦ-ਪ੍ਰਸ਼ਾਂਤ ਖੇਤਰ ਪਰ ਉਂਦੀ ਗਲ਼ਲਬਾਤ ਹੋਏ ਏ। ਇਸ ਮਹੀਨੇ ਦੀ 18 ਤਰੀਕ ਗੀ ਅਮਰੀਕਾ ਦੇ ਰਾਸ਼ਟ੍ਰਪਤਿ ਡਾਨਲਡ ਟ੍ਰੰਪ ਹੋਰੇਂ ਇਸ ਬਾਰੇ ਨਮੀਂ ਦਿਲ਼ੀ ਚ ਹੋਨੇ ਆਹਲੇ ਕੁਆਡ ਸ਼ਿਖਰ ਸਮਮੇਲਨ ਚ ਸ਼ਾਮਲ ਹੋਨੇ ਦਾ ਪ੍ਰਧਾਨਮੰਤਰੀ ਨਰੇਂਦਰ ਮੋਦੀ ਹੁੰਦਾ ਸਾਦਦਾ ਸਵੀਕਾਰ ਕੀਤਾ ਹਾ। ਕੁਆਡ ਸੰਗਠਨ ਆਸਟ੍ਰੇਲਿਯਾ, ਭਾਰਤ, ਜਪਾਨ ਤੇ ਅਮਰੀਕਾ ਮਜ਼ਾਟੈ ਰਾਜਨਯਿਕ ਸਾਂਝੇਦਾਰੀ ਦਾ ਇਕ ਮਹਤਵਪੂਰਨ ਸਾਂਝਾ ਮੰਚ ਏ।

<><><><><><>

WPFG

ਭਾਰਤ ਨੈ ਪ੍ਰਤਿਸ਼ਠਿਤ 2029 ਵਰਲਡ ਪੁਲਸ ਏਂਡ ਫਾਯਰ ਗੇਮਸ ਦੀ ਮੇਜ਼ਬਾਨੀ ਕਰਨੇ ਦੀ ਬੋਲੀ ਜਿਤ੍ਤੀ ਲੈਂਦੀ ਏ। ਏਹ ਘੋਸ਼ਣਾ ਅਮਰੀਕਾ ਦੇ ਬਰ੍ਰਿਸ਼ਮ ਚ ਡਬਲ੍ਯੂਪੀਏਫਜੀ ਫੈਡਰੇਸ਼ਨ ਚ ਭਾਰਤੀਯ ਨੁਮਾਯੰਦੇ ਆਸੇਆ ਇਕ ਦਾਵੇਦਾਰੀ ਆਲੀ ਪ੍ਰਸਤੁਤਿ ਦੇ ਮਗਰਾ ਕੀਤੀ ਗੇਏ ਏ। ਏਹ ਆਯੋਜਨ ਗੁਜਰਾਤ ਦੇ ਅਹਮਦਾਬਾਦ, ਗਾਂਧੀਨਗਰ ਤੇ ਏਕਤਾ ਨਗਰ ਚ ਹੋਨੇ ਆਲਾ ਏ। ਸੋਸ਼ਲ ਮੀਡਿਯਾ ਪਾਸਟ ਚ ਗੁਜਰਾਤ ਦੇ ਮੁਖ਼ਮੰਤਰੀ ਭੂਪੇਂਦ੍ਰ ਪਟੇਲ ਹੋਰੇਂ ਗੀ ਗੁਜਰਾਤ ਲੇਏ ਇਕ ਗੌਰਵਸ਼ਾਲੀ ਪਲ ਦਸੇਆ ਏ ਜੇਹਦੇ ਚ ਰਾਜਯ ਦੀ ਵੈਸ਼ਿਵਕ ਖੇਡਡੇਂ ਦੇ ਥਾਹਰਾ ਦੇ ਤੌਰ ਪਰ ਬਧਦੀ ਸਥਿਤਿ ਗੀ ਉਜਾਗਰ ਕੀਤਾ ਗੇਦਾ ਏ। ਉਂਨੇਂ ਆਖੇਆ ਜੇ ਏਹ ਵੈਸ਼ਿਵਕ ਜਿਤ੍ਤ ਪ੍ਰਧਾਨਮੰਤਰੀ ਨਰੇਂਦਰ ਮੋਦੀ ਤੇ ਕੇਂਦ੍ਰੀਯ ਗ੍ਰਹਮੰਤਰੀ ਅਮਿਤ ਸ਼ਾਹ ਹੁੰਦੀ ਦੂਰਦਰਸ਼ੀ ਅਗੁਵਾਏ ਗੀ ਦਰਸ਼ਾਂਦੀ ਏ।

<><><><><><>

Weather

ਮੌਸਮ ਵਿਭਾਗ ਨੈ ਆਖੇਆ ਏ ਜੇ ਦਕ੍ਖਨ-ਪੱਛਮੀ ਮਾਨਸੂਨ ਪੰਜਾਬ, ਰਾਜਸਥਾਨ ਤੇ ਹਰਿਯਾਣਾ ਦੇ ਕਿਸ਼ ਹਿਸੇਂ ਚ ਅਗੇ ਬਧੀ ਗੇਆ ਏ। ਵਿਭਾਗ ਮੂਜਬ ਅਗਲੇ 3-4 ਦਿਨੇਂ ਚ ਦੇਸ਼ੈ ਦੇ ਬਾਕੀ ਹਿਸੇਂ ਚ ਮਾਨਸੂਨ ਦੇ ਅਗੇ ਬਧਨੇ ਲੇਏ ਹਾਲਾਤ ਮੁਆਫਕ ਨ।

मौसम विभाग नै कल्लै तोहड़ी केरल, माहे, उत्तराखंड, राजस्थान ते गुजरात च बक्ख-बक्ख थाहरें पर तेज बरखा दा अंदाजा व्यक्त कीता ऐ। विभाग नै आखेआ ऐ जे अज्ज दिल्ली, हरियाणा, चंडीगढ़, हिमाचल प्रदेश, झारखंड, महाराष्ट्र, मध्य प्रदेश, कर्नाटक, कोंकण, गोवा, ओडिशा, तमिलनाडु, पुडुचेरी ते कराईकल च बी बरखा दी संभावना ऐ। असम, मेघालय, नागालैंड, मणिपुर, मिजोरम ते त्रिपुरा च बक्ख-बक्ख थाहरें पर कल्लै तोहड़ी उमस बनी दी रौहने दा अंदाजा ऐ।

<><><><><><>

PM-MKB

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम "मन की बात" राएं देश-विदेश दे लोकें कन्नै अपने विचार सांझे करडन। एह इस कार्यक्रम दी 123मीं किश्त होग। लोक इस कार्यक्रम लेई अपने विचार ते सुझा टोल फ्री नंबर 1800-11-7800 पर सांझे करी सकदे न। लोक अपने विचार ते सुझा नरेंद्र मोदी ऐप जां फही My Gov open forum पर भेजी सकदे न। विचार सांझा करने ते सुझा भेजने दी अज्ज खीरी तरीक ऐ।

<><><><><><>